

OLD MUTUAL SUPERFUND

LESEDINYANA LA DITABA
LA DITHO LA PHUPU



NNETE KAPA TUMELO YA BOHATA

Hang ha o se o le setho sa letlole la ho beha meja fatshe o motjheng wa ho beha meja fatshe ka boiketlo?

TSHEBEDISO E SEDI YA TJHELETE JWALE E BOLELA KATLEHO DILEMONG TSA HAMORAO

Ho beha meja fatshe ho sa le thoko ka dilemo tse 20 kapa 30, ka hona ha o hloke ho ngongoreha ka seo hona jwale, ho jwalo?.....O FOSITSE!



Bothata ke hore, kelello eo mohlomong e tla bolela hore o tla ba le dingongoreho tse ngata ha o fihla dilemong tse 50, esita le ho feta ha o fihla dilemong tse 60... hobane ho tla be ho se na tijelete e lekaneng tlasa materase a hao hore e o jare dilemong tse 20 kapa

30 tsa ho beha meja fatshe, mme ho tla be ho se nako e lekaneng ya ho etsa letho ka sena.

Hobane re tsepamisa maikutlo hodima ho phela kajeno, bongata ba rona re hloleha ho hopola hore ha re sa rere ka tshwanelo, nako ya ho beha meja fatshe e ka fetoha haholo ho seo re se lebeleletseng. Ntlo e haufi le lewatle eo re rerileng ho ya dula ho yona ha re beha meja fatshe e ka qetella e le toro feela.

O tlameha ho itjwetsa hore ha O e mong wa batho ba jwalo.....mohiri wa hao o na le letlole la ho beha meja fatshe le hlwahlwa haholo.....o sa ikutlwa o phetse

hantle mme o na le dilemo tse ngata tse sa ntseng di setse bophelong ba hao.....

Leha sena e ka ba nnete, o hloka ho etsa haholwanyane ho feta ho ba setho sa letlole la ho beha meja fatshe feela hore o sireletse bokamoso ba hao ba tsa ditjhelete.

Dikeletso tse bonolo ke tsena tse ka o thusang leetong la hao:

- Buisana le moeletsi wa tsa ditjhelete ya rupetsweng mme o qale morero wa dipolokelo tsa nakong ya ho beha meja fatshe
- Netefatsa hore o sebedisa dihlapiso tsa hao tseo o nang le tsona letloleng la hao la ho beha meja fatshe ka tsela e hlwahlwa ka ho fetisisa
- Boloka tijelete ka hohle ka moo o ka kgonang, le ka nako e telele ka moo o ka kgonang
- Lekodisa botjha "boemo ba tsa ditjhelete" ba hao nako le nako
- Le ka mohla o se leke ho nka kontane tijelete e dipolokelong tsa hao tsa nakong ya ho beha meja fatshe ha o tswa mosebetsing
- Dipolokelo tsa nakong ya ho beha meja fatshe ke matsete a nakong e telele – se ke wa tshoha ha mebaraka e fetofetoha - kamehla beha leihlo la hao pakaneng ya hao ya bofelo

Hopola, mofuta o nepahetseng wa ho rera nakong e nepahetseng bophelong ba hao o tla laola hore na o ba le nako ya ho beha meja fatshe ya thabo kapa e tletseng matshwenyeho a tsa ditjhelete. Ho sa tsotellehe hore na o saletswa ke dilemo tse 5, 10 kapa 40 pele o beha meja fasthe...ha o eso siuwe ke nako bakeng sa ho nka kgato kajeno. Kgetho e matsohong a hao.



MMUTLA LE KGUDU – LEPOTLAPOTLA LE JA PODI, LESISITHEHO LE JA KGOMO

Ho ba bangata, nako ya ho beha meja fatshe e bonahala e sa le hole haholo mme tlhoko ya ho qala ho boloka e bonahala e sa potlaka haholo (Mmutla).

Ba bang ba lemoha bohlokwa bo boholo ba ho etsa diphetoho tse nyane tshwarong ya tijelete butlebutle le ka botsitso, hore ba fihlelle ditebello tsa bona (Kgudu).



Ikopanye le Moeletsi wa tsa Ditjhelete wa hao kapa letsetsa mohala wa tshchetso wa rona ho 0860 38 88 73 moo o tla fumana dintlha tsa boikopanyo bakeng sa Baeletsi ba tsa Ditjhelete ba rupetsweng bao o ka lakatsang ho ikopanya le bona.